



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XLV. Constitutus.

[urn:nbn:de:hbz:466:1-62587](#)

inducta est, siue quæ per legem, ita text. hic.
verb. quidquid.

CAPITVLVM XLV.

Constitutus.

PARAPHRASIS.

Vacante Decanatu Ecclesiae Clarenmontæ, Canonici in Episcopum compromiserunt, qui Archi-Diaconū pluribus sibi consentientibus Decanum constituit, tametsi aliqui Canonici contradicerent, ne quisquam eligeretur, nisi omnes assentirentur, cum autem illa transiret Cardinalis à Latere, causam hanc quibusdam delegauit, non ut appellationi interposita derogaret, sed ut causam instructam ad Pontificem mitteret. Insuper mandauit delegatis, ut partem, quæ electioni contradiceret, ad ipsum legatum mitterent, ad exponendam contradictionis, appellationisque causam. Hæc cum peruenissent ad Innoc. III. Respondit se ex relatis intellexisse, sub ea forma appellatum fuisse, ne absque omnium assentu Decanus eligeretur, sed appellantes anni spatio appellationem prosecutos non esse, neque causam extitisse biennii ipsis concedendi, quia, qui bis nuntium Romanum destinârunt, vel semel Procuratorem idoneum mittere potuissent. Verumne peremptorias appellationum exceptiones reiicere videatur, mandat Iudicibus à se delegatis, si ipsis constiterit, Archi-Diaconum Episcopi factō, super quo eius intentio fundatur, sponte renuntiāsse, vel Episcopum ad electionem processisse iis omissis, sine quibus, ne procederet, in compromiso fuit, dicto Archi-Diacono silentium imponant; alioquin verò electionē alterius, & quidquid ex eadem subsecutum fuerit, irritum declarent.

SUMMARIUM.

1. Compromitti potest in personam etiam unam, & quæ non est ex corpore Capituli.

2. Compromitti potest cù conditione ac formâ ut compromissarii personam eligant, in quam omnes capitulares, exquisitis ipsorum voluntatibus consenserint; quod tamen in electione per scrutinium fieri nequit.
3. In causis in quibus judex ex officio procedere potest, licet appellatio deserta sit, aut sententia transferit in rem judicatam, superior nihilominus merita cause cognoscere potest ex proprio motu ratione officij sui.
4. Legatus à latere causam in qua appellatum, examinare potest, non ut appellationem impedit, sed ut causam instructam ad Sedem Apostolicam mittat.
5. Ob periculum scandali in causa aliquo etiam causam talem Legatus definire potest.

Not. I. Compromitti potest in personam etiam unam, & quæ non est ex corpore Capituli. c. Causa. 8. de elect. & dixi in D. de Pralatis. q. 84.

Not. II. Compromitti potest ea conditione ac forma, ut compromissarii personam eligant, in quam omnes capitulares, exquisitis ipsorum voluntatibus, consenserint, ita Abb. Alex. & alii in gl. verb. omnium. Sed de electione per scrutinium nō possunt Capitulares hoc decernere, vt aliter non valeat, nisi omnes consentiant, aut ut valeat, tametsi maior pars totius numeri præsentium non consenserit, propterea quod electioni huic certa forma præscripta sit, quæ substantialis censetur. c. Quia propter. 43. de elect.

Not. III. In causis electionum, aliisque beneficialibus, in quibus superior ex officio procedere potest, & non tantum ad instantiam partis, tametsi appellatio deserta sit, aut sententia transferit in rem judicatam, tamen superior nihilominus merita cause cognoscere poterit ex proprio motu ratione officij sui; quo modo ait gl. in c. Cim nobis. 19. verb. ex officio de elect. et si nihil obiciatur electo, tamen qui confirmat electionem, debet inquirere de modo electionis, an sit Canonice facta & persona idonea sit, similiter docuit Franc. hic. not. 1. quod negligenter partis & desertio appellationis non præ-

præjudicat officio Iudicis & not. 2. Quod causa beneficialis nunquam transit in rem judicatam. c. Cum olim. 7. de dolo.

Not. IV. Legatus à latere, cum vicem Summi Pontificis specialiter repræsentet, causam, in qua appellatum est, examinare potest, non ut appellationis cursum impe- diat, sed causam instructam ad Sedem Apo- stolicam transmittat, idque esse speciale in legato, ait Abb. h̄c. n. 19. & addit. Hostiens. h̄c. quod Legatus in aliquo casu ob pericu- lum scandali causam etiam definire possit.

CAPITVLVM XL VI.

Constitutis &c.

P A R A P H R A S I S.

Vacante Præpositurâ Saluatoris, constituto electionis die Episcopus Metensis adiun- rauit Canonicos, ut unum ex duobus, in quos electores oculos intendere videbā- tur, quem Ecclesiae magis utilem & idoneum censerent, Præpositum eligerent. Tum Decanus cum quibusdam aliis Can- torem nominauit; at verò ipse Cantor cum aliis pluribus Cancellarium Meten- sem elegit, eamque electionem tanquam à maiore & saniore parte Capituli factā, Episcopus, cum de electe persona honestate constaret, confirmauit. Postea verò cum secundūm morem, domum & inve- stituram dare vellet, Decanus ad Ponti- ficem appellauit, id solum allegans, quod Cancellarius in ijs partibus impotens es- set ad possessiones Præposituræ defendē- das, adiiciens plura se obiecturum coram Papa, quæ nollet proferre coram Episco- po. His cognitis respondit Innoc. III. Cùm manifestum sit, causam illam, quæ erat expressa, rationabilem non esse, alia autem tunc expressa non fuerit, id est confirmationis effectum impediri non posse, si quid tamen Decanus non per modum exceptionis ad impedientium effectum elec- tionis & confirmationis, sed per modum denuntiationis, aut accusationis proponere velit; audiendus erit, postquā

Cancellarius pacificam Præposituræ pos- sitionem asseditus fuerit.

S V M M A R I V M.

1. Superior potest electores juramento adstringere, ut eligant quem ex gremio Ecclesie suæ magis idoneum & utilem judicauerint. Peccant nisi talēm eligant. Valet tamen elec- tio, omisso digniore, si modo dignus eliga- tur.
2. Is cuius morum honestas, aut doctrina nota est, examinandus per se loquendo non est.
3. Defectus potentie & dinitiarum non im- dit personæ alias digne electionem ad di- gnitatem, nisi in casu raro, quo necessaria foret pro defensione Ecclesia contra hostes persona potens.
4. Si electus confirmetur, nullo contradicente, appellatio admitti non debet, nisi allegata causa rationabilis.
5. Legitimè confirmatus, aut qui beneficij col- lationem accepit, potest possessionem capere, neque admittenda est exceptio, nisi sit de criminis juncto cum infamia, vel sit defec- tu proprietatis, aut in continentii pro- bari possit.

Not. I. Superior potest electores jura- mento adstringere, ut eligant eum ex gremio Ecclesie suæ, quem magis idoneum & Ecclesie utilem judicārint: nam ad id ob- ligantur, & nisi talēm eligant, peccant, teste Abbe h̄c. n. 7. Franc. colum. 2. Sed valet ni- hilominus elec̄tio, dummodo idoneus sit, qui eligitur, licet alius, qui prætermittitur, sit magis idoneus. *vii docui l. 4. rr. 2. c. 15. q. 1.*

Not. II. Si nota sit alicuius morum ho- nestas aut doctrina, tunc examine opus non est per se loquendo, frustra enim adhibetur indagatio eius rei, quæ in aperto, seu cognita est. *arg. c. 2. dist. 2. 4. ubi gloss. ait: quod no- ti non sunt examinandi sed ignoti.*

Not. III. Defectus potentie, ac dicitia- rum, si persona alioqui digna sit & idonea, non impedit, quo minus ad dignitatem eli- gatur; præterquam in raro casu, si talis sit ali- cius Ecclesie status, ut adversus hostes de- fendi non possit, nisi persona potens præ- ficia-

z z z